

四庫全書

集部

欽定四庫全書

文苑英華卷八百八十六 宋 李昉等 編

將相四

太子太傅貞憲趙憬神道碑一首

太師忠武公渾瑊碑一首

尚書左僕射宣武軍節度使董晉神道碑一首

故正議大夫守門下侍郎同中書門下平章事

成紀縣開國男賜紫金魚袋贈太子太傅貞憲

趙公神道碑銘

權德輿

在漢孝宣厲精理道則有魏相通故事丙吉知大體百
職脩明中興有聲惟皇帝在位十四祀得賢相成紀公
趙氏受天清淳佐時緝熙本洪範之正直躬大雅之明
哲左輔右弼調若鼎味降祥而生盡瘁而終時貞元十
三年年六十一皇上震悼不視朝三日詔奉常具儀法
冊贈太子太傅又俾百執事為位哭於其庭吊祠禮贈
集作
轉 率有加等二府之屬或銘其德於壽堂或狀其行

於考功有司稽實謚曰貞憲公之盛業斯謂

闕

舉

其始中終之畧識于神道公諱憬字退翁天水西人其
先成子之文宣子之忠文子之知人左邱明太史公實
書之曾王父仁本皇司列少常伯同東西臺三品以忠

清勵翼多所發明乾封摠章之祭號為稱職王父贈趙

集作

越州都督誼歷右司郎中乾封縣令司僕少卿烈考

贈鄭州刺史道先仕至洪州錄事叅軍惟祖禰含章故
慶延追錫崇構丕矩復大於公公保抱之歲生知色養

羈冠

集作
貫

之年則無幼志及夫被儒服踐法言敬直而

文肅莊而溫端誠博物錯綜古今非大中至正不接於

心術實應中玄宗崩肅宗幸梓宮有司議方中復土之

制時西鄙日聳歲饑人流公以王者追孝恤禮宜儉褐

衣上䟽詞約指明君子曰此劉更生諫昌陵之言也息

偃江介名聲籍甚始佐州司乃辟戎車自試守江夏尉

三遷至監察御史其後翹車繼轍賢侯虛左大凡難理

之府皆待公為重歷殿中侍御史太子舍人

集作
中舍

丁太

夫人憂柴毀孺慕殆將死孝感導善氣降為嘉生有芝
煌煌秀于壤樹之側公默而去之人莫知者既免喪徵
拜水部員外郎未幾檢校工部郎中副湘中七州軍事
居一年詔領留府尋踐方伯以中執法錫金印紫綬罷
職家居拜給事中執法疊懷和比狄有下嫁冊命之禮
復兼憲丞以副皇華旋軫未至遷尚書左丞峻人用彰
皆以貞勝其初撫封上狩于漢中守臣之任憂寄愈切
公恤隱布和仁而愛人與師知訓善吏樂職行之三年

教化明備底貢有藝藝賦政不煩絜矩以杜奇袤露章而無吐茹飛語雷動明誠山立受代踰年事實敷聞故有左曹之命講貫舊章惟真是視刑或失入議將必還公望日盛其勤靡盬故有和戎之役致賜諭旨協寧殊憐疆場之言專對而不給紀綱之僕承事而不征保就安利北方咸悅故有在途之拜整南宮之紀律起郎吏之功緒風望素重法制尤精嘗歲終舉吏可以長人者或以其細故深詆將以病公公乃移書自訟請下其考有

博大之度無怨欲之私一臺承式六轡在手持綱體要
善否有章故積公輔之望貞元八年夏四月拜中書侍

郎平章事明年五月轉門下侍郎以厚德載物以全才

宣化舉直盡忠敷納詳

集作將

明正王

集作百是

度之本去一

朝之便事有統紀心無面從嘉猷匡

英華被諱作謙

言鎮定宏

大謙厚而不伐持平而居易聞邪塞違貞厲而不校陟

恪始終帝載用和戲

疑

夫先正

集無正字

帝伯歷左肅機東

臺侍郎充著休功再叅大政公皆踐之是以仰之嘗以

為漢庭諸公罕備有

集作其

用以石慶之醇謹而不能關

決薛宣之方畧而失於煩碎翟方進之通明而固其位

公孫宏之節儉而近於名公備

集作偏

有其長彼實多缺

唯丙魏所履我無愧焉嚮使天與之年盡行其道則天之所化可勝既乎故其登庸也士之仁者相賀而不仁者相吊其全歸也士之仁者相吊而不仁者相賀斯可知已至若睦中外之姻而均其祿賜嚴宗廟之祀而不理第室啓手足之日家無餘財奉終卽遠待恩禮而後

備難矣哉嗣子宣亮全亮元亮承亮等伯季以門子為
宏文生叔仲始解巾受祿皆稟德風幼而孝謹以十一
月景午時得吉卜奉公之喪祔窆于河南緱氏縣景山
之原禮也以德輿叨居宰士嘗辱深知職奉贊書備詳
盛烈俾刻金石聞于無窮銘曰

晉有成宣代稱忠勲先正常伯匪躬事君績復於公為
時獻臣德不踰閑心不違仁貞其所履以翼天子大猷
集作猶是 是經中立不倚乃賦明命宜躋遐紀吾道方伸脩

途遽已緱原蒼蒼宰樹成行
令名章章樂石在旁噫嘻
太傅之風永代不忘

故朔方河中晉絳邠寧慶等州兵馬副元帥河
中絳邠節度度支營田觀察處置等使元從奉
天定難功臣開府儀同三司檢校司徒兼中書
令河中尹上柱國咸寧郡王贈太師忠武渾公
神道碑銘

前人

天地訢合以生萬物

文粹作嘉
集作卉

其成歲功也則有肅殺

震曜之助焉君臣保乂以熙百志其講武功也則有經

綸翼戴之輔焉龍蛇起蟄山澤通氣與運相值有開必

先斯太師所以宣力四代稽謨七德輝煌威靈勤身濯

行

集作
征是

霆征

集作
擊

風行乃緝熙于光明故瑠戈淑旂以

嚴師律黃流玄袞以正台耀湛露彤弓以覺報宴納書

追命以榮恤禮蕃錫始終如公之功公諱臧字某其先

夏妣之後為淳維漢劉之代為渾耶或強以

文粹無
以字

為

國

集作或強
與為國

或分以保

文粹無
保字

姓貞觀中開置州壤就

加官師曾祖元慶皇豹韜衛將軍靈邱縣開國伯祖大

文粹壽皇太子僕贈尚書左僕射考釋之皇開府儀同
作文

三司太常卿兼御史中丞寧朔郡王贈司空惟靈邱紹

先公之職居次卿之重僕射以積厚充家寧朔以偉才

雄邊貴仕崇勲乃列茅社流光追遠是加密印回復介

祉開先元臣功昭于前人闕君建中癸亥翠華

西狩公以大司馬艱貞翼從部闕揣摩殺機勤勞

行內為上心膂登壇授律誓命交感如漢拜淮陰侯故

事而又加焉乃進左揆遂叅大政惣賦輿而爲之師長
恢王畧而以之北伐克黨盡銳壁于武亭公以事鉅師
老則傷威重正合竒勝在於疾力奮寡擊衆鼓行無前
殲夷潰弱如建瓴水中堅席勝又覆於咸陽長轂啓行
旣闢于延秋會西平王以專諸侯之師清宮獻捷公乃
抑其賈勇須彼成功窒士心之尅伐息兵火之氣焰然
後窮追斬級寇孽以平備法從於清蹕闕入明於黃道
告類薦功登拜上台撫封尹正復闕虜文粹時北平

王出大鹵收絳臺而公已摠成師下左闕於是闕忠力

揚奇鋒復離宮拔堅壘衝陣壓境傳于蒲闕金鼓之聲

氣相合山河之表裏皆復渠魁授首師帥協闕安流以

濟方軌而前士不離傷文粹作離傷工不易肆闕文粹集作離場作珍

寇正刑四方咸餼論道正律乃平水土秉誼靖人闕脩

班制休嘉賁于草木利澤逮于鰥寡言為軍志動為史

師貞元景子政成一紀進掌邦教遂居右弼十五年冬

寢疾

集作病

十二月辛未薨于理所享年六十四皇上悼

歎不視朝五日冊贈太師賻

集作
賜

綖吊祠有司備物大

僚襄物明年二月甲申葬我太師于萬年縣洪固原太

常跡其功德奏謚曰忠武禮也初公年十一以將門子

仕于邊部

闕

弱冠五遷至左驍衛將

闕

始從朔方之師

戰黑山次從隴右之師摧石堡又

闕

出臨洮奪昆夷

之善地而為之壁壘北絕大漠破獫狁之堅甲而焚其

廬帳又從汾陽王臨淮王討反虜于山東南攻贛皇北

取真定射其特將李立節貫于左肩斃之又五遷至太

常卿皆以功次其間開地于河曲以靜九蕃宣威于陝

西乃定三川凡王師之所以尅獲都邑元老之所以發

揚蹈厲公必居其先偏而當闕勅劇故以御史中丞為

靈州左司馬以御史大夫為邠闕刺史以工部尚書為

單于大都護專征上郡榆林之地闕為左金吾衛大將

軍又以戶部尚書奉晉王出車之重闕時厥後投艱感

慨能納大忠以恤大事理蒲十六年再闕台以司空

兼侍中以司徒兼中書令大凡歷官二十闕真食干

八百室居節制者五副元帥者四材力絕

闕

樓煩

方內洽平乃進咸寧凡汾陽王九代之勲公

闕

四

履之地公皆踐歷憫冊師禮法謚尊名公皆如

闕

不

至者壽而已矣惟公厚性寬中智謀深靜秉義類

闕

賦

明命植端誠以糾王慝講功述職遠意長利執德之

闕

蹈禮之輿致其用以格天啓其心以沃聖協建皇極爲

宗工元龜雅好左氏春秋班氏史得考父之恭范宣之

讓驃衛之功畧黃韓之教化又嘗慕太史公自叙著作

集無行紀文粹

作字作已

一篇詞不矜大而事皆明備有子五人

曰殿中少監鍊太子中允鎬太子司義郎鉅櫟陽尉綱

闕陽尉闕

著位于兩宮以奉朝請試吏于縣內以脩事

任食德而才稟訓而忠皆以純孝致其哀敬令弟輔國

大將軍右領軍衛將軍武當郡王玘與諸孤等推烝爨

景鍾之義因識

集作職

表以聞有詔詞臣刻石傳信乃採

其贊書侯表作神道銘銘曰

北載斗極陰方尚武玄金朱轡錫命都府太師間代感

會雲雨四征庇人九合尊主昔未成童則能肆勤卓行
深入致果忘身弱冠摧鋒環列南軍中興之後書社策
勲援抱兩河轉戰三秦靈朔邠邠所居必聞出統蕃衛
入司徼循時丁阨難節冠群倫逋誅煽結狂穢宮闕西
平鞠旅公亦授鉞旣臨延秋如火烈烈休士退舍時惟
不伐浸沴乖方蒲津未通北平釋位公實撫封胥命長
春克成厥功開壁勞軍靡有不公以律則臧在和而克
時惟太師有嚴有翼乃敷仁澤乃布條職時惟太師有

功有德三公二府是獎是陟祿印易名以尊以飾材官

介士鹵薄悽惻大隧解原終

二本
作中

南之北萬邦作憲永

代是式追琢馨香與唐無極

故宣武軍節度副大使知節度事管内支度營

田汴宋毫潁等州觀察處置等使金紫光祿大

夫檢校尚書左僕射同中書門下平章事西郡

開國公贈太傅董公神道碑銘 前人

漢興五代孝武思理膠西相陳天人之際王道之端昌

言大對統紀條貫純嘏積厚遠而寢明帝唐九葉順考

古道隴西公兼

集作都

將相之重承尉衛之崇啓心宣力

作率慶平陟恪宗工能積其烈公諱晉字混成河東虞

鄉人廉忠溫厚絜矩通理秉義以立故不為利疚知動

之微故每與告

疑作吉

會初肅宗受端命以合兵車思欲

去元元於湯火致王度於金玉以文告威讓遠猷密命

之為重也故公解巾披荆校文視草凡三徙官被以采

章代宗御天下乃清吏職以為文憲彌綸陪貳事任百

辟交脩則理道洽故公再入御史府三為尚書郎歷祕書郎長府奉常武侯之亞今上建皇都以纂鴻業思代天工俾寧方內故公出入屯夷昭明有融中居大僚以至柄用貞元五年春三月拜門下侍郎同中書門下平章事居五年除禮部尚書用耆碩俊德轉遷兵部分正宏化以本官畢命為東都留守東都畿汝州都防禦使安危注意以左揆持相印充宣武軍節度汴宋亳穎等州觀察處置等使十五年二月丁丑薨于位享年七十

六罷朝三日追命太傅有司易其名曰恭惠職喪法賻
皆俊彞等所以視其踐履而加優之也初公以祠部郎
為出疆從事北方之強驕蹇沓負伐功怙力徵我厚幣
使臣指顧公攝其詞詞達氣直虜皆震伏殫威命於專
對輝光華於外區仁者之勇沛然餘力其為太府未決
日而理乃珥貂蟬實兼憲承含章以承顧問秉直以司
紀集作純律脩起故事京師肅然其為華州徵赴行內以
祭酒亞相使于北河其往也薊門不出關東多壘習俗

故態且相附離公則破其從約使循軌道其還也蒲坂
既阻王宮未清婪婪二逆恣睢相合公則折其亮謀因
以鬱沒馮軾有勞扈蹕而旋益用尊禮大其職業司微
循也五校嚴備持重而不苛處網轄也六職遵脩舉直
而不紊典禮樂也百神咸秩薦信而不黷其為相也上
載元聖下熙百工采惠小物協寧大政推明常古之制
章叙理平之業粹和而不耀敬讓而不居言陳於前不
可悉數拜章八上然後得請其撫封也尤為難理先是

在宥推恩叅授兵柄至有恃凶器以邀好爵者氣燄不
還風波相沿是邦再亂人用恫恐上以為陳留天下之
郊也非素重臣不可以率先賦政公既受命與一二從
事記室儒服而前不待裏言不恃悍衛寬信夷易闇然
風行長城大蔡蘊在靈府悍將伏罪齊人樂業四隣諸
侯折中於公居四年政成力疾累求入覲因條陳利病
請制於未然上難其繼以致沒代噫夫一邦之人得公
而理失公而亂刼介夫殺大吏猶原燎川潰於不可遏

嚮公之嘉猷密疏如前知焉其明智歟董氏在春秋時
書法不隱在戰國時贊明命聞於諸侯自膠西而下淳
耀溢大在魏有司徒昭在蜀有尚書令允扶義納忠以
幹機衡其族舊矣公曾祖仁琬皇州博士祖大禮贈右
散騎常侍考伯良開州新浦主簿贈尚書左僕射三代
有令德而無貴任蕃祉所鍾發為追崇宜哉有子四人
秘書省著作郎全道秘書郎溪大理評事全素太常寺
太祝澥等其承學也專其就列也敬斬焉而孤累然以

哀日於先遠象數協吉以某

集作其

年十月丁酉奉理命

家法薄葬公于河南縣萬安山之原以前夫人南陽張氏繼夫人京兆常氏祔焉從周禮也惟公自筮仕至捐館四十五年無伐善無違德歷官三十六皆以理効聞自建中以還居中分閭再調鼎實一人而已范文子所謂厚德者能享多福惟公有之全道等猶懼懿鑠之不永于後與陵谷之有遷也以德輿奉行公之命書者三宜金石刻故跡其誄謚而為之銘其詞曰

后王財成雋乂昭明以建皇極甫申居內方邵理外周
邦是式於惟隴西求福不回文武宣力調和公餼整訓
長轂柔惠直直膠西章章道可佐王屈相下國綿代儲
慶至公而盛位實配德子子干旃昔往浚都俗旣紓息
翻翻素旗今旋洛師人用悽惻惟是壤樹資於四布萬
安之側德輝在闕

文苑英華卷八百八十六

欽定四庫全書

集部

文苑英華卷八百八十七至
九十

詳校官庶吉士臣龍廷槐

助教臣常循覆勘

臚校官進士臣朱 鈺

校對官助教臣羅萬選

謄錄監生臣趙興文

欽定四庫全書

文苑英華卷八百八十七

宋 李昉等 編

將相五

齊成公神道碑一首 左僕射賈耽神道碑一首

故中書侍郎同中書門下平章事太子賓客贈

戶部尚書齊成公神道碑 權德輿

有唐文學政事之君子曰相國齊成公諱抗字遐舉清

方粹溫絜矩秉懿明誠盡性切磨集作化育之道精義

入神旁魄天人之際以忠事君以病乞身乃去台宰乃
儕商皓然後徹琴瑟啓手足歿齒無違德以從先大夫
於九原易名曰成不亦宜乎公定州義豐人自太公表
東海桓公匡天下為國為家或哲或仁烈祖贈太師府
君諱漸歷給事中中書舍人吏部侍郎止於平陽太守
出入陟降中行山立至今言開元名臣者稱公有遺直
遺愛焉實生先公贈國子祭酒府君諱翽履道貞厲仕
至左龍武軍倉曹積厚於上流光於下其位不克故大

受於公公既亂而孤哀過成人屬幽陵橫潰中夏如燬
奉太夫人安輿違難於越得子州支伯之故地而偕隱
焉誅草茅以順居息悅山水以資仁智方茂天爵用觀
靈龜嘉招重問奔走以狎至虛已弘道從容而翔集吳
郡張相君鑑方以仁義理濠上得君為榮及進律于成
師于岐累為命介若騷有剗建中中戎王謀大和會以
休寧西方右扶風綿亘汧隴地當甌脫且有成命正其
經界公實佐中權登壇蒞盟得其情數與之約結克就

衣裳之會用銷邊鄙之警自解巾三遷至殿中侍御史
俄屬涇旅竊發群克挺災天兵展義於甸內王公死難
於理所百舍奔問至于行宮拜侍御史有詔以蕭黃門
復布愷澤于東夏命公為工部員外郎以贊焉復命轉
倉部郎中李懷公阻命于滿連兵未解關中飢旱經費
不足轉粟饋軍濟時之艱患求才急病命使以轉達遷
兵部郎中兼御史中丞以董其任俄拜諫議大夫當軸
者不相容坐婚親細故出為處州刺史先是山越寇攘

蕩覆城寺公乃卜勢勝之爽愷因習俗之便安三時不
害百堵皆作朝典陟明拜蘇州刺史吳實劇部大田多
稼浮淫冒沒吏禁或弛占著名數戶版不均公乃閱其
生齒書其比要強家大猾不得蓋藏公特單騎與之紆
息已日乃孚厥猷茂焉遷潭州刺史御史中丞湖南觀
察使以嚮時二郡之理而弘大之其仁可知也左曹理
本徵爲給事中周郊寄重權為河南尹盜有宋瞿曇者
白晝椎剽為郡偷囊索三川病之幾三十年公法令嚴

具網絡張設名

文粹作潜

捕魁宿使無遺類指顧之間擒擿

如神乃作秘書章明文雅脩舊以起廢乃作太常統和

神人節事以辨志便蕃大僚其道乃光德宗皇帝方以

堯舜氏聰明之道馭天下用賢人克相位拜中書侍郎

同中書門下平章事熙九功之歌質百官之成損益文

獻化裁形器精微以折衷密靜而不伐或事隱於造膝

或言行於沃心初天官氏每歲表他曹郎二人閱多士

試言第其甲乙春官氏俾考功郎

文粹有中字

選考秀之親

故者而進退之公以冢宰少宗伯為官人取士之本蓋

天子有司之重

一有寄字

至於避小嫌亂舊章適滋岐旁孰

謂扁鑄蹇蹇坦坦之道豈如是耶然後闢康莊付

文粹作

衡尺遵公是之路去自便之私天下之人謂之理道尋

有詔脩國史昔孔父無位以空文為一王法公當盛聖

之代用宰司摠直筆其於褒貶勸懼明焉勤慮盡瘁積

成寢恙累章乞告改太子賓客遭懼不淑贈戶部尚書

時貞元甲申歲夏四月春秋六十有五夫人河南獨孤

氏某官某之女賢明蚤天繼夫人蘭陵蕭氏某官某之
女仁順有禮法嗣子鍊銜恤毀瘠侍公裳帷以某月日
祔于東都某原喪祭哀敬君子以為有後惟公深而通
肅而寬出處動靜必以中正敬用五事暢於四支資性
儼恪尤長鑒裁在岐也薦齊忠公映佐蕭也薦盧恭公
邁皆至丞相其他推轂下士為朝廷臣成天下重名碩
望者不可勝書凡所論者皆研幾析理弘雅夷遠洪州
文宣王廟碑張蕭盧三相國碑誌本聖人教化之蹟推

大政暮明之道固其性術講貫而發舒乎斯文文集二十卷中倫體要盡在是矣公薨五年餼調為洛陽尉求惟先烈未刻豐碑以德輿夙承湖海之舊中忝掖垣之屬他日舉代靡形話言獲於遺編實見陰德顧茲無似有玷知人濡涕含毫以表幽宅銘曰

昔在營邱大風決決有倬平陽令聲章章不踐宰政貽

慶子姓含曹含光大學追命厥生中書秉慙

集作哲
通用

居

政

集作
正

鵬起扶搖鸞翔慶霄乃登紫微以瑞清朝吉凶

糾纏寒暑結轆其生有涯其用無極壽堂冥冥冢樹森
植揭茲馨香終古是式

左僕射賈耽神道碑

鄭餘慶

公諱眺字敦詩其先長樂人也七代祖元楷因葛榮之
亂避地始徙家於浮陽隋開皇中改浮陽為清池今為
清池人也烈祖遠則皇德州長河尉祖知義皇沁州沁
源主簿贈揚州大都督考琰之

唐宰相世系表作元琰

贈尚書左

僕射皆才光道溢器位非偶積善有遂鍾于魏公公天

寶十載明經高第乾元中授貝州臨清尉州縣之職與
公非宜兵戈甫興時不韜才公詣闕獻書授絳州太平
尉太原節度王思禮察公器重識高涵泳萬頃署度支
判官轉試左驍衛兵曹試大理司直監察殿中侍御史
職並如故遂遷檢校繕部員外郎兼太原少尹侍御史
北都副留守仍賜金章紫綬就加檢校禮部郎中凡歷
數使賓待益重竒才愈茂弘器日彰天下士君子推公
為棟梁遷汾州刺史在郡七年惜怛之愛忠利之教序

四器導五常百姓日用而不知熙然致於仁壽烏足語
其瑣細歟徵拜鴻臚卿兼左右威遠營使通夷狄之情
序賓客之位其有素矣是歲拜梁州刺史兼御史中丞
山南西道節度觀察度支營田等使加朝議大夫封廣
州男時守臣梁崇義恃漢水峴山之險負固闕強公受
詔領麾下沿江東討降均州屯穀城所向皆捷以功加
銀青光祿大夫上以慎理軍旅以信夷夏邊封謚清而
百姓晏安是時故山南西道節度使相國鄖公震洎邠

寧節度使張僕射獻甫或為部刺史或為都將皆雄毅
宏達常流不及忌能飛語危疑是懼軍帥之例罕有全
度公前推信誠中發坦蕩咸以事曉加之慰薦竟垂忠
勲兼佩將相引張推轂受脈微公之恢朗洞識二人曷
能臻歟在鎮三年遷檢校工部尚書襄州刺史御史大
夫山南東道節度觀察使會李希烈亂常朝廷致誅詔
公為司徒梁公勉招討副使以公懿德懷安不宜為副
寇難未平徵拜工部尚書職崇喉舌

闕

俄以本

官兼御史大夫東都留守判東都尚書省事

闕

東都畿

汝州都防禦使又加東都畿唐汝鄧州都防禦觀察使

舊例居守不出王城公以射藝絕倫氣

闕

霜德宗知

公信在言前優詔特許薄狩郊甸允所謂

闕

特達之

德也遷檢校尚書右僕射充義成軍節度鄭滑等州觀

察處置等使屬有鄰師戍兵護邊魚服鶡冠異軍三千

公弛柝罷警門闔洞開慮其未安重延廊廡坦易信誠

挺出今古海濤山峙

闕

屹屹培塿畎澮安得不服其

洪濤峻嶠歟凡更四鎮踐履如一尋以風疾懇形封章
御札名方與十金之醫馳賜不允陳讓俄而護瘳貞元
九年入覲拜尚書右僕射同中書門下平章事朝廷為
之寶巖廊為之重天下以之信向蠻夷以之懷來加金
紫光祿大夫轉左僕射依前平章事遷檢校司空依前
左僕射平章事遂嬰風疾四表陳讓不俞朝旨御醫盈
門中使填路嗚呼有盛衰也有晝夜也聚散之理常也
死生之變大也愚智同塵賢不肖共轍孰能究之哉公

爲御史先府君追贈太子中允先夫人鞠氏贈東萊縣
太君歸本郡遷葬鄉邦榮之先府君累贈尚書左僕射
鞠太君贈齊國太夫人祖贈揚州大都督祖妣崔氏累
贈博陵郡太夫人廟貌觀德豐碑紀烈奉君親而載劬
啓手足而免夫始卒之道侯具題而以求貞元年十月
一日薨于長安光福里之私第享年七十六輟朝四日
再贈太傅詔鴻臚卿渾鍊持節備禮賻絹一千匹米粟
一千石詔葬長安高陽原夫人贈扶風郡夫人武功蘇

氏駕部郎中守忠之孫處士珣之女先公二十五年而
歿至是而合葬焉秉周禮也長子疇太常寺協律郎涓
於青春次子隣太子議郎少子暉京兆府叅軍公好古
在汾州時於戒行尼寺家童院得晉西河王分司馬斌
碑太康中尚郎索靖八分書翳薈蕪蕪之下字可辨者
猶存大半有割太原四縣以為邦邑之語公再建於寺
殿之前為尚書時懷魏鄭汴軍聲未輯詔公宣過而兩
家之難解抑推君命且曰服寬信也公既習經籍老而

不倦九流百氏靡不該覽通夷裔之風俗盡山川之險
易歷代沿革之自百王廢置之由關塞通塞之因牧圍
盛衰之異道程疎密之準要荒享獻之數聚米畫

闕

於指掌矧夫丹青神化縑緗纂述數十年來西戎

闕

我

河湟其圖籍志錄泯絕散落非公強力精專蹂躪貫穿
靡書不探雖賤必訪則自汧隴而西傳疑唱謬紛紛不
已已化為竒昧天意若曰降公之聰達精博拯厥將墜

墮一作

歟興元元年詔公撰國圖貞元十四年先獻闕中

隴右及山南九州等圖又撰別錄六卷吐蕃黃河錄共
四卷優詔褒異賜馬一匹銀器數事綿絲三百疋十四
年冬撰海內華夷圖成并撰古今郡國縣道四夷述四
十卷貞元十道錄四卷賜馬兩匹銀器數事綿絲五百
疋又內出銀楹二蓋殊渥也於戲渤海左湧洪河前激
泱濟其地氣必將有以孕育哲賢謨明盛時為紀為綱
為棟為樑體貳為一作仁萬夫之望豈特河海地理云
乎哉亦將上動昭回下降星精為忠為孝為聰為明為

君子為弘器公有大度容物也浩無津涯而恪慎兢畏
不有怠也有明哲保身也孰云肯綮而端方肅祗未嘗
離也公奉親以孝事主以忠待天下以信博識以強力
廉隅以砥礪居台座十三年秉戎律四鎮垂十五年產
不過中人日給有不暇之意非夫脫落塵機翱翔青冥
孰能然哉夫却穀之閱禮樂敦詩書祭遵雖在軍旅不
忘俎豆邴吉之不過汙丞相茵劉寬之無爛汝手叔
度之漑涖元陽之不伐衛玠之理遣情恕公咸頡頏恢

博得其兼備者已公考求六藝張弓挾矢允謂殊倫連
墮冥冥之羽雙貫五采之翬殪獮豕之獸圖畫歌詠噫
嘻君子多乎哉文章之製博達而清約盛矣著述有未
就者歿有遺一作餘恨痛隣等知公歟疑作與餘慶有忘年
之眷見託紀徽烈俾鴻代芬芳不歇表唐得賢臣之目
焉銘曰

圓方旣明渾淪粹精辰耀騰溢降為賢英郁郁魏公薰
然淑清脫落瑣細曾吞長鯨其一天寶之季前塵荐起懷

策上謁言塵可止少年下位事不行矣命官絳臺渥澤

伊始

其二

車騎開府司空晉陽萃賢揚幕優游抑揚惟公

聳然落落堂堂群議乃曰允膺巖廊

其三

剖竹西河衆蘇

情結風俗丕變載欣

一作
晉

載悅六鈞服猛雙鴻一發式

是威武洸洸烈烈

其四

入掌九賓羽儀清都四夷荒職貢

畫地圖帝曰漢中實惟爾區廷授龍節雙旌碩儒

其五
惟

轂漢南乃司冬官保釐成同白馬登壇更踐數鎮撫人

以寬或三四年遂成勝殘

其六

徵弼中樞朝廷為實謀不

外揚功宣造膝與物宥過意工言質天下日用曷由窺

室

其七

知命兮死生齊松楸列兮埏隧成蹊海曾兮渾渾

浩浩一指兮和天侃諤知言之重顧銘樂石兮悽悽萬

物或幾乎息矣惟公德兮竟齊

其八

文苑英華卷八百八十七

欽定四庫全書

文苑英華卷八百八十八 宋 李昉等 編

將相六

故丞相尚書左僕射贈太尉王公神道碑一首

故丞相太子少師贈太尉牛公神道碑一首

故丞相尚書左僕射太尉王公神道碑

李宗閔

上即位五年正月丞相左僕射太原王公以癸巳

一作未

發疾其明日遂薨於位天子震悼愍惻遽命內謁者詣

其室索其所以飲食寢作之端既詳其無他狀遂贈

一作

賻

布帛菽粟率用峻等既又不塞痛軫之意加內府之

絹千疋以賜之為之罷朝三日命兵部侍郎一人持節

駕駟馬

一無馬字

簫鼓出自正殿直抵柩前冊公為太尉塋

有日官給秘器及就途遣王人亟臨視之命羽葆旂常

輅車之飾皆及墓俟其返虞鼓聲四節於里第而還示

不與常制等也其子鎮以宗閔晚陪公於相位之末稍

窺公之行請銘其烈以垂其後且不宜拒遂鋪其犖犖所能言者於金石云於公諱播字明敷太原人周靈王太子晉之後以歷世爲王因而受氏高祖滿汾州長史

生大璉嘉州司馬給事中司馬生昇

一作昇非

咸陽縣令太

子少師少師生恕揚州倉曹叅軍尚書左僕射公僕射

元子也忠敬而本仁寬明而有制內顯而敏外肅而和貞元十年舉進士第是歲策賢良以直言校書於集賢殿其言平戎經國之術粲然可舉調尉鹽屋斷獄首出

御史中丞李汶愛之奏為監察御史闕雲陽丞源咸李

以賊免用疑文不宜調而調因謁於臺遂捕劾之追奸

胥窮律旨奏流咸李刑曹郎一作部罷所居官給事中以

省詔非是奪俸緣而坐罪者甚眾自是風聲不可遏矣

為侍一無侍字御史時京兆李實文皇寵一作所委能禍福卿

士凡其榮衰繫所附背舉朝迎避其鋒公在途而實來

揖公移文詆之其詞可羞實遂奏公為三原令求其不

足於禮以持之公至尹署泊群吏之館還其邑敬府之

禮無不具實既出其筭反加畏焉縣之編於戶者多中

貴人前令率不能自爲其政施一作馳張牽之公悉召所

謂貴人入坐堂中一作當拜曰敬桑梓宜如是也邑人大

作其

駭從其所指爲長安令朝廷方思于頔而以帝女嫁其

子民有與于氏蒼頭同盜人馬者前令捕民而縱其蒼

頭公始至縣即立取其奴與民均其法知御史雜事京

師饑穀起價京西諸侯相率閉粟公移之簡書徵秦晉

泛舟之說西鎮惴惴收去條令粟流于秦元和四年爲

御史中丞歲中知京兆尹六年為刑部侍郎克益鉄轉
運使上言流入會赦而歸獨豐一作配囚為隔遂無還者

請率以七歲為竟至今用之尋加福部尚書益以御史
大夫又以戶部尚書節度西蜀長慶初覲穆宗言中外
之事遂留為刑部尚書復幹益鐵冬拜中書侍郎平章
事仍其職匡維激發始以進賢為急上方有意河朔以
財賦始出於下一作方十一二年公用相印為淮南節度
使以其職隨之四年言事者謂益運之設宜留京師用

制方上加檢校司空去其使未幾上念公成法又以使
屬公加司徒今上踐祚急詔徵公至即拜左僕射同中
書門下平章事仍其使尋兼太清宮使累進爵至太原
郡開國公食邑二千戶進階至金紫光祿大夫年七十
二而薨公入官三十二政逮事六帝出統楚蜀之師入
極台宰之尊前後三愬鹽鐵既出一作去又復幾二十年
天之所覆地之所載寧有獨私於公耶必有以當其然
也一畧吏苟不犯無能奪其任者歲時奏課至於榮太

史胥次遷亦如之故人用安其為善莫有欺公者雖遠
至海裔若惣轡笞捶窮年不死一吏貶一職而羣務自
濟凡朝廷平淮取鄆屠汴下滄景干戈不息者十五六
年饋餉資費隨其緩急而立辦沛然若神給其間溝琵琶
導潁河以漕輕舟師人坐受其飽䟽三門挽沉石以
濟巨艦關中遂亡其饑薦皇甫鏘之強敏而鏘反短公
於上公猶不知上謂其長者論景忠信矯制釋一無此字逗
撓之將期必抵於罪時服其敢深涉徐境導齟齬而為

忠槩人曰真宰相器也權征之外有雜緡率貢內帑號
爲羨進貞元中歲不過十二萬緡及公歲貢百萬緡凡
國有大征伐不慮其費之有無洎丞相晉公專征討之
事兵食悉出於公公方一無從容以贊其成及滄景平
公有叶力之助自御中丞京兆尹愬賊秉政未嘗書笏
爲記善於啓奏天子不能自守其喜怒公以專志持務
密匡於上行已寡徒不喜伐露由是數帝任遇多被恩
澤權利去畱如在諸已人多意公能詭合於時及公再

持相印與晉國洎一二公同輔於上趨嚮甚直雅符於
道苟所舉公是公必扶之即非是公遂嘿嘿不和由是
上知公厚重而同列亦聳待之乃見公之所為與嚮之
不知者期公蓋甚戾也公既屈於名而伸於富貴豈非
盛德君子神明之所祐耶故夫人清河崔氏給事中銳
之女嗣子鎮一作式前一前一無字秘書丞砥服名教不以丞相
子自居其身次曰冰始叅一作授京兆府叅軍事其器甚
遠一作宏公之仲弟曰炎季弟曰起與公三人俱用文
器度遠

學奮於江左西遊長安七中甲乙時議偉之公向

一無向字

歿不幾日而起以戶部尚書司國之計門聞之士交

一作

咸來哭賀群吏之執籍繁夥一如公之時其亦於世難

求也其從事故相國程公异今荊州相國段公文昌其

他分居中外羅于

一作諸

臺閣者不啻三十人銘曰在歲

太和惟帝聖神圖任舊台

一作臣

乃相太原維是太原福

祿其奔再持化權樞揆聯聯兩統劇藩楚淮蜀坤始自

元和公秉貨泉歷憲穆敬

一作憲穆敬文

洎

一作頃

茲聖君四帝

財征去公孰親惟煮惟鑄惟範惟聚

或作惟聚惟輓

東掃北殄

上之所怒帶甲百萬唯

一作餓

食唯巨俾公尸之不勞而

具變通以時物無滯遺

一作阻

綱條一施莫越其規御衆

以仁中控其機信行恩馳罔有詐欺公之惟揚漕務其

將公之留庭職與公并首尾貫聯已二十年相府使符

隨其興殂公之敏智顯爵自至不紛其外姑真

一作直其

裏始承其風畏公之邃及與之同沫公之義

一作易

仁人

之跡歿而乃熾揭於茲碑不仆不倚

故丞相太子少師贈太尉牛公神道碑

李珣

天球河圖有國之大寶麒麟鳳凰王者之嘉瑞方於賢
彥即又次焉天佑我唐才傑間出輔時興化代有其人
公諱僧孺字思黯隴西狄道人本子姓漢有牛崇為隴
西王簿因家焉代為西州豪族八代祖弘仕隋為吏部
尚書封奇章公佐佑文帝有重名於時高祖鳳及一無及字
中宗時為春官侍郎掌國史曾祖休克集州刺史贈給

事中祖父紹太常博士贈太尉父幼聞華州鄭縣尉贈
太保公七歲而孤依倚外族周氏嶽嶽卓卓有老成之
風以喪禮自處未嘗戲弄年十五知先奇章公城南有
隋室賜田數頃書千卷乃辭親肄習孜孜矻矻不捨蚤
夜洎一作四五年業成舉進士軒然有聲時常崖州闕

網羅賢雋知公名願與交公袖文往謁一見如舊由

是公卿籍甚名動京師得上第聯以賢良方正舉又冠
甲科策中盛言時事無有隱避持權者深忌之出為伊

闕尉名府賢侯羔鴈繼至封章屢薦每為中執事所阻
皆不滿秩從潞帥郝士美簡授管記三奏不得請竟除
河南尉會有次對大寮因言事解於上前遷監察御史
丁太夫人憂服闋除本官轉殿中公以文高氣直累歲
堙屈問望所屬推美於臺閣間入省拜禮部員外郎時
孟尚書簡有重望以地官貳卿兼領綱憲薦公知雜轉
都官員外兼侍御史免憲職授考功員外郎集賢學士
穆宗即位宰相稱其能遷庫部郎中掌書命召對與語

上德之面賜五品服未幾遷中丞每對延英必移時蓋
言天下事有武將直臣為宿州刺史豪奪聚斂以貨數
百萬厚結權貴公按之為有力者排幾不免竟以詞堅
理直上意迴直臣乃得罪由是上以清直知又面賜金
紫拜戶部侍郎時望允一作塞中書令韓弘以財投分
公拒而不受上因他事得一作之愈賢公遂作相持重
顧大體不言細事嘗謂同列諸相曰致理之本流品為
先彛倫攸叙蓋謂此也每惜名器力與同列爭方鎮以

不廉聞一作問

者輒奏貶以賄賂求進者必阻之先是李

司徒逢吉與杜循州元穎同作相穆宗寢疾議建儲貳
與公不協後元穎出鎮井絡逢吉銜之思有釋憾於政
事堂謂公曰西川前有廢邱謀上熟知之來日延英發
其事公不知慎勿沮議公曰王導有言吾雖不殺伯仁
伯仁由我而死正近此耳又安得不言哉逢吉喑鳴而
止敬宗年少嗣位公雅善敷奏每言一事必本末陳之
上甚倚愛同列挾中助力赫赫妬公之賢公亦思避其

鋒三上疏求外任上以武昌善地建節幢兼相印以授之既至問人所病害咸言鄂土踈薄歲一脩城役工誅茅人用咨怨公默許心計埏泥範埴未及三年盡換舊制崇墉堅壁人到于今賴之文宗嗣位二年公入覲詔復相位上雅知公名一見恨得之晚會宋相申錫以廉介聞巨姦鄭注挾北軍勢卜射取財貨富侔於國忌宋之直陰畫詭計誣與藩邸通因內臣而上其變造作似是衆皆符會上驚聞激怒下法吏議其罪諫官伏閣爭

不得公入侍密啓上意乃寬止於郡佐公實右力今李
崖州鎮劔南西川上言西蕃別屯以維州降帶甲之士
甚銳其地要害得之足以壯邊部徐圖河湟此其漸也
上疑不決下南宮議百執事皆是西川奏公獨曰國家
近與昆夷軟血四鎮晏然今若自虧大信犬戎恃衆見
詰渝盟彼直我曲未可量也上曰丞相之言是詔還維
州初德裕承籍地勢自負機術公介特素不與之交及
是大不平遂成宿憾公與李尚書宗閔同輔政出入殿

省進退有度上偏目公曰卿才類霍光異日可屬大事
公懼滿辭位再陳封章寵加端寮出鎮淮海不改相印
再登將壇揚州當江淮之衝習偷薄之俗公清淨簡易
化人易風俾及五年臻於一作至理倉廩實禮義行刑
措政成脫屣歸洛優詔屢降雅志不回拜檢校司空東
都留守文宗將有大制置大除授必降中使假於他方
入皇城宣密旨獻可替否如在君前其信重也如此俄
以左僕射徵王人就賜官告特明異禮公感恩雖厚退

身愈堅一對而歸不詣相第亦有中阻未諧人情又加
相印出為漢南節度使制出上悔之欲追成命公固辭
上曰且不與卿周歲別出都門特賜清廟器六事皆範
金飾玉如古時制宣曰以卿精忠用以貺別寵待之禮
當時無儔公到襄州均井稅薄地征人用胥悅咸歌來
暮武宗初纘極聽信未一行險者乘時而起凶德參會
倒置天下事清賢名被斥逐惟公位高德重最難搖撼
繇觚齟齬幾至二年屬大水壞居人廬舍公以實上聞

仇家得以逞志舉兩漢故事生災異策免降授太子少師時議不平又還檢校司徒兼太子太保俄又改太傅再臨東郊劉從諫死劉禎自擅以招義軍阻命天兵誅討五年方尅上喜甚素忌公者媒孽鍛鍊誣公與從諫交上怒下詔旬日三貶公至循州長史鑿空指鹿四海之士咸寃之公推運達命恬然如得好官時踰嶺越險二年在海上無所苦今上即位大明善惡三遷至少保轉少師牽復高位分司東洛池臺琴酒逍遙自娛賢士

大夫尚其軌躅未半歲遘疾薨于東都城南之別墅自
嬰疾至于捐館譚笑語言寔居自若口占理命纖悉無
遺上聞為之軫悼聯日不視政公卿相吊正人雪涕冊
贈太尉遣大僚吊祭公端明商重忠厚誠慤平居私室

如見

一作對

大賓不喜釋老唯宗儒教早與韓吏部皇甫

郎中為文章友其名相上下晚與白少傅劉尚書為詩
酒侶其韻無高卑前後作鎮皆佩相印辟署多名難其
一作進而勇於退儉必中禮貴而不奢知命達理保和
於

居易三領大鎮接護軍以禮貌不至交歡再入中書待

樞

一本有容字

使以公平不容請托有恩必報有讐不校帝

崖州於公恩也嫁二女歸名士薦長子登用行李崖州
於公讐也恤竄謫之窮途厚供待於逆旅其厚德歟亦
難能也夫人同郡辛氏贈僕射秘之女賢明懿淑稱於
族姻有子五人曰叢曰蔚能嗣其業皆擢進士第蔚監
察御史叢使府協律曰奉倩洛陽尉二人未知名公以
大中戊辰歲十二月二十九日薨以大中己巳歲五月

十九日塋小子不佞早棲門墻考選第叨殊等之科開

賓筵忝入幕之吏國士相遇筆札見知周旋款眷垂三

十載刊石表墓

一作德

分也難辭公歷官三十一政作相

一十九年逮事六宗光輔四帝承主恩必由直道解相

印實無罪名自少及長不失色於人佐時理家無悖入

之貨持身斤斤

一作不撓

履道甚夷嘗病在高位者不知止

足終日抗論尅期拜章竟不及年俾孤美志銘曰

公之生兮稟星辰公之道兮侔古人

一無此句

公之才兮渾

而真公之性兮威且仁公之文兮班馬隣公之藝兮游
夏均公之儉兮自我身公之簡兮無雜賓公之貞兮肅
人倫公之慎兮質鬼神公之相兮平如均公為邦兮政
如春公不幸兮罹數屯公無辜兮介于循天開日明兮
堯舜為君舉直措枉兮幽寃必伸牽復高資兮言旋洛
濱逍遙琴筑兮無異隱淪屈指懸車兮歎一作然十句
數懷未遂兮美疹來臻悲纏冕旒兮哀慟縉紳寵贈加
等兮冠于台臣有司職喪兮歸葬咸秦觀者歎息兮國

人酸辛袁安餘慶兮令嗣兢兢陳寔道廣兮門生振振
乃續徽猷兮刻于貞珉碑

闕

字兮名德長新

文苑英華卷八百八十八

欽定四庫全書

文苑英華卷八百八十九 宋 李昉等 編

將相七 贈官

御史大夫贈右丞相程行謀神道碑

贈右僕射王光謙神道碑

贈太師崔僊神道碑

御史大夫贈右丞相程行謀神道碑

蘇頌

御史大夫維弼之副尚書丞相粵官之長若庭堅是勅

山甫為式凝縉之

一作以

懋追榮末

一作未

極可也聖皇執

象增天報功元老協斯捧日疇貴將詔頌其美稱用命

伯嬰與之佐佑存趙立孤可也廣平之傑出者公名則

字行謀世以字行始終不易源彼二烈泉乎百代門閭

當華嶽之峯碑闕倚桃林之塞遷自吾祖定成我居作

鄭人矣曾祖諱慶隋長子令祖諱德淹隋太康令考諱

藥王皇秋浦令子男樹聲太宗於官闕令長傳業夙振

於台揆况一變從道三稱靡風乎公神靈特應金火殊
發含照灼而更幽蓄堅剛而轉銳常謂處山者猛不採
藜藿成蹊者芳不言桃李靜安獨行汎覽羣書以管晏
之謀迪訓貽典用申韓之法徵竒撮要高深廣大盡在
是矣志大好學首中甲科初補潞城尉轉趙之平棘換
虞鄉主簿任非待賢居是適用嬰酷而罷居喪幾滅率
由於至性每不勝哀禮闋入為鄆尉時吳郡顧琮秉銓
調餼致公密啓授萬年尉尋遷左肅政臺監察御史裏

行歷二尉

尉字一作殿字

左右肅政丞侍御史迴復雙拜周旋

五人悉心果孳履尾奚懼獷豕既制

闕

於威弧之

張神羊既立挫三思於止戈之武固亦霜驅隼勁露落

鵬摧豈避儉言俄招毀議出為幽州司馬都督薛訥以

元帥綜戎仗權公為在端寮設文備甲兵繕食

一作倉廩

績絕漠以奔嚴城洞啓遷定州長史未請職入除金部

郎中景龍六年鳴牝肆孽分宰京邑先屠戚黨吏部人

相狃獄市皆紛徵拜公長安令丕弊不辜大安所屬無

何除將作少匠少府少監飾慙諝

二字疑

愛費閉奢魯不

無益而成有去登加七命食千戶俾侯於廣平國轉刑部侍郎兼檢校送王府長史司寇持平以議罪君王好直而請由是用刑不頗為善最樂也明年王正月我后

時邁翠華順動蒼駕巡遊幸朔方而經周漢陟河東而觀舜禹命公爲蒲州刺史本道按察備儲峙之饒悅股肱之壯期至人於道路寔君子於雲天然後搏擊守宰澄清中理上因聽政顧侍臣曰江淮之間風氣果銳吏

諸尤者朕已得之又遷揚州大都督府長史公刈作姦
鉏梳法萬商利於舟楫三具貞於鼓鑄皇念勤矣徵拜
鴻臚卿即殿中監國開賓館威懷柔服之序王列御府
備物致用之殷則九卿不如六尚書也公力主財巨細

錙銖定豐省翹天地之蘇

三字疑

來自西極溢水衡之貫

獻于北宮擢拜御史大夫朝之紀也夫端以憲臧流為

法家含弘則弊於僂俛竦踊則嫌於激許狂徒

一作徒任失

得且觀

一作開

興替公之度蓋不然森貌寡詞彼憚嚴而

惴察悞

疑

幽

二字一作微

藏密我易躁而安動庶物和矣群

司晏如加戶益榮金紫宣命賚予虛佇冊青尹政嗚呼

方恒位事歛謝期頤享年八十有三以開元十四載春

之孟庚寅統日薨於洛陽之審政里第宸極悼焉行必

馳組請不釋服曷云多矣

一作也

一尚德二尚厚三尚齒

四尚舊以革而問遺中使者鴻寶金相

一作醫

望自闕逮

凶則撫贈左

一作右

丞相衾常

疑

布帛盡萃其家喪禮塋

數邁超夷等伊我公蹈規懸解臨事默識至初

疑

為心

欽定四庫全書

至公陳力薄驕奢之行卑乃崇高重明哲之謀尊而壽
考匪有倫有要知至知終何以符契於君臣寵靈於存
歿古未之効也以貞為謚然與其年暮春壬寅十朋啓
瑩雙表昭燧歸厝于鄭之少華原禮也一子鎮之幼爲
尚舍直長稟義方之誨成幹楛之能以杖扶後起柴毀
孤立凡厥所嗟上之所隕直清而美者則御史彭城劉
彥回同郡宋詢並謂勞人祇服盍承報國聞薦府庭朝
夕棟宇遇甚恩結悲盈涕濡相與開陳詔命甄用詞藻

爰備刊勒宜存妙好顧秩重黎之司日其正兮禮者其
不佞乎粗言銘曰

程伯休父膺厥命兮我公之貞保氏姓兮我公之德宣
歌詠兮至于天官翊明聖兮登以碩老資忠敬兮壽必
待終名轉盛兮卜而獲兆典實令兮嗚呼太史秉直少
華南映望陪我京還即于鄭

贈右僕射王光謙神道碑
權德輿

天球白珩產於崇山扣之而清越格人莊士生於隕德

用之而弘大其或含光而耀藏器不發乃熾而昌是滋
百祥蘊而為義方飾而為徽章故太原王公四筮仕而
領通邑五追崇而登端右循政茂於官下湛恩集於身
後有繇然也公諱光謙字某自東漢鴈門太守澤五代
至晉中書令獻之坦之歲彘德名與吉祥一作倅盛自

後魏龍驤將軍長社穆侯慧龍五代至隋秘書少監邵

以勲華文學復大其門秘書生隋揚州戶曹參軍來宰

世系表作楊

州司馬孝京戶曹生皇青州司戶參軍子奇司戶生美

原承贈太常卿慶賢三代沉晦邁其風訓公即太常府君之長子也幼而岐嶷長而淳懿絜矩慎獨抱仁戴義閱深博辯之學稽古禮文之事炳然含章靡不通貫至若文舒之清脩廉實處冲之剖析玄微安期之弘恕懷祖之沉靜合是家法而躬行之始以門陰受署凡四徙官曰幽州三水潞州潞城二主簿絳州萬泉縣丞楚州淮陰縣令所至之邦二千石必加禮慰薦而公牢讓勇退卑不可踰及為縣令也務清淨之理而去其煩苦推

明誠之本而教以廉隅一同熙熙生殖阜滋楚風丕變
幾至齊魯因喟然曰彼天爵美祿者在仁義與樽酒而
已太邱彭澤豈多秩耶於是放懷於外奮神於內沉研
象繫之表盤礴天人之際其致知格物不可詳已以開
元二十九年春正月捐館舍于淮陰年六十九其明年
返塋于河南府偃師縣北山之陽夫人博陵崔氏贈博
陵太夫人繼夫人隴西李氏後夫人同郡武氏贈彭城
郡太夫人飾終三加子貴故也公之才子五人長曰翊

以博一作文雅典憲亮直方貞集作直方貞厲歷御史中丞在散

騎常侍刑部吏部二侍郎御史大夫贈戶部尚書謚曰

忠惠次日翔吏理詳明官河南府翟陽縣尉集作丞次日

翊循良愷悌勲德茂盛歷辰朗容三州刺史容管經畧

使兼御史中丞河中少尹朔方節度留後汾州刺史單

于副都護鎮武軍使徵拜京兆尹尋兼御史大夫再居

大理寺卿爲福建觀察使入爲太子賓客貞元十二年

檢校禮部尚書東都留守踐履藩垣逾四十年階至特

進爵封本郡次日向士行清脩為秦州上邽縣尉幼曰
翻文敏有幹槩歷監察御史三原縣令著作郎太子僕
翽向皆不幸蚤夭翽亦命屈其志而忠惠公太原公惣
集休祉為宗工蓋臣初忠惠公與肅宗代宗從容言天
下事甚衆且曰文致太平在正名百職危言悃悃痛誠
闕條䟽理道坦然章明沃心前席倚以為相者數矣
雖位闕不致而其遺風直聲暴乎天下太原公剖符賦
政累刻金石滅夷越劇賊開地靖人倅蒲也以沉幾銷

急變護單于也以尺書柔獷俗中外官師淑聲流聞保
釐尹正式是東夏安危注意未始有極言代德者以公
之保

集無
保字

道未光而慶下鍾惟具有之是以侶之之故

也初以忠惠公扈鑾輅於岷峨其勤匪懈贈公隴州刺
史又以持節印冊命專對於北方間關忠力再贈公秘
書監後以太原公南服嘉庸三贈公為工部尚書以轂
下肅清四贈公為太子少保以閩方報政五贈公為尚
書右僕射噫嘻賢人教忠之業令嗣揚名之孝大君追

遠之澤是三者可為至矣十七年太原公貞于龜筮得
二月壬寅吉於是備八旒七章鷩冕佩玉之飾博陵彭
城二郡太夫人以象服祔焉詔給鹵簿官司喪事慶靈

集於一門光耀被於九原君子然後知積德豐報之不
誣矣至若忠惠之子為守臣太原之壻居台司諸孫昌

阜冠映圭組則列諸碑陰以備代家斲茲琬琰銘公德

美集作善其詞曰

有匪集作匪人君子兮德行醇備蟬聯烜集作烜赫兮峻闕弘

義 闕

靈龜兮懼腊毒之厚味樹風百里兮馳蒲密之
極摯慈和安靖兮闔境如春仲叔容儀兮與古為倫全
才不耀兮流慶後昆忠惠既没兮太原顯尊五加追命
兮賁茲玄壤隼旗龍劔兮以至師長澤流根葉兮恩及
漏泉壽堂拱木兮以 集無此字 橫蒼煙隨武可作兮臧孫有
後崇岡樂石兮昭晰攸久吁嗟王公所為不朽

故朝散大夫檢校尚書吏部郎中兼御史中丞

賜紫金魚袋清河縣開國男贈太師崔倜

宰相世系

表作
神道碑

太師名倬字某清河東武城人太公望既封于營邱子
伋嗣侯伋之孫曰穆伯食邑于崔遂以為氏後十四世
至秦末東萊侯意如東萊侯之子伯基始居清河又十
五葉生琰為魏名臣又九葉生休仕後魏為七兵尚書
七兵之弟曰寅為樂安太守公即樂安八代孫始以門
子補鄭州叅軍力行好學於子道以孝聞處伯仲間以
友聞讀易至編絕以精義聞至德中戎羯猾夏王師出

征公少有奇志思因時以自奮乃作伐鯨鯢賦上獻既

聞

集有爾
矣二字

果器之會第五丞相以善言利得幸盡付利

權始有鹽鐵使之目慎選僚屬表公為介轉臨晉縣丞

處繁應卒銳刃不

集作
無

頃府罷再遷至太子司議郎韓

昔公時為戶部侍郎掌邦賦急於用材薦公為監察御

史主河東租庸之務尋轉侍御史充京東平糴使建中

初德宗始親萬機儲精治本有漢宣與我共治

集作
理

之

歎謂大臣求可當良二千石者遂以公帶本官權知袁

州刺史朞月有成詔書顯揚就加真秩益以金紫居無
何韓晉公為丞相制國用思公前績乃傳召之抵京師
授檢校戶部郎中兼侍御史幹池鹽于蒲脩牢盆謹衡
石煎和既精飴散乃盈商通而潛至吏懼而循法民不
絀網而國用益饒歲抄會其所入贏羨什百詔下褒其
能轉吏部正郎兼御史中丞具加五等之爵方倚以重
任天富其材而不遐其福享齡六十有五貞元七年某
月某日遘疾終于治所上聞悼之因降愍冊贈鄭州刺

史賚錢三百萬以備飾終之禮明年某月某日還塋于

成周之偃師從世墓也累贈至太師夫人隴西李氏汾

州司倉叅軍咸一之女生才子六人長曰邠及公終

集作

卒時已為左拾遺後至太常卿次曰鄴後至太府卿次

曰鄴至外臺尚書次曰邠今為廷尉次曰鄴至執金吾

李曰邠今為太常卿同中書門下平章事惟夫人姑藏

冠族以頻繁組紉輔佐君子為令妻積三十餘年以慈

儉忠厚訓誡諸子為賢母二十有三年當求貞初順宗

踐祚澤流自葉長子邠時為詞臣草冊書以文當進階
遂上疏乞移榮於親優詔允之特封清河郡太君士林
聳慕皆自痛其不及邠為太常鄧為大農咸白髮貴綬
以奉膳羞諸季各以簪裾給事左右愉愉然先意無違
言世榮者舉無與比以子貴累封贈至涼國太夫人元
和八年三集作月十六日捐館舍壽七十有九是歲某
月某日合祔惟太常及尚書既今相國皆有中書舍人
為禮部侍郎凡五貢賢能得士百四十有八人言兄弟

者許為人瑞崔氏之門六人皆入文昌宮其間三人歷
八侍郎統而論之三代卿兩連率二翰林學士一執金
吾言冠冕者許為世雄與姑臧李范陽盧世為婚媾入
于姻黨無第二流言閹門者許為時表太常二子亦以
才能同入尚書璜為吏部郎瓘為司勳郎其他支孫未
登金閨籍者詵詵然魚貫而進文采集作甚似而孝謹
不衰猗歟君子之澤其所從來遠而有光乎開成己未
歲七月甲辰相君受詔於明庭始操國柄仲冬奉常事

于家禮成起慕悄然求懷曰古者卿大夫廟有鼎墓有碑皆銘之以紀先德也今備位宰相敢不敬前人之耿

光乃俾家老條白事功咨於學古

集注
作士

者徵其詞尚信

也又命宗祝卜柔日告于廟盡誠也儀甚

集作
其非

備而敬

有餘斯所謂達禮之君子遂刊勒如式揭于道周銘曰奕奕四姓崔為之冠瞻其門墻倬若雲漢善積家肥子孫多才如彼棣棟必生徂徠太公之後彌二千祀炯如貫珠焯見圖史顯允太師丕承德基構于其堂亦既陞

次生逢艱虞戎夏交師獻賦伐叛忠存乎詞兵興事叢
飛輓四馳歷踐劇職視屯如夷乃主平糴乃分行使治
粟為邦其道一致蒲實近地鹽為利泓使車來思刻弊
立程吏廉商通歲倍其贏奏課連最德音褒明就加執
法好爵兼榮天賦之才不與壽并生樹德本歿揚淑聲
上聞軫懷侑樂為停贈襚之禮侔于公卿萬石貽訓根
於孝友太邱種德乃稔身後家有令子妻為壽母二十
餘年人倫之首六子來侍如龍如虎眾婦來饋維筐及

宮佩玉鳴環交饗庭戶申申秩秩歡不踰矩昔為甲族

今為興門天爵人爵蔚然兩尊

集作存

先德蔭之默

集作點

如重雲孕和含

集作合

粹濯潤本根景毫之源圖書之川

陽陵帝壇磅礴迴環世安其神世嗣其賢聆德風者拜

于碑前

文苑英華卷八百八十九

欽定四庫全書

文苑英華卷八百九十

宋 李昉等 編

王爵一

此下三卷英華所編
失作者先後今正之

周上柱國齊王憲碑一首

唐義陽王李琮碑一首

周上柱國齊王憲神道碑 庾 信

昔者軒皇受姓十有四人周室先封十有五國自爾承
基纂胄保姓受氏雖復千年一聖終是百世同宗故知

昔之東京既稱大

一作炎

漢再受今之周歷即是鄴都中

興公諱憲字毗賀突恒州武川人也晉太康之世

一作始

擬有黃龍魏孝昌之初奄荒玄菟太祖以百二諸侯三

分天下函谷先登鴻溝大定功業如此人臣以終公含

章天挺命世誕生降太一之神下文昌之宿珠角擅竒

山庭表德儀範清冷風神軒舉聳動廊廟光華城闕未

逾齟齬已議論天下事人或曰是謂弱木一枝

十二字一作天

下衣裘裳先能問曰

旁陰數國長河一直自然千里風

是問謂若木一枝

颺欲遠光景將昇後魏二年封涪城縣開國公時年五
歲也虹蜺滿野是廢當途之高鸞鶯鳴岐實始維新之
命國家光宅受圖欽明秉歷大風初卷長沙始封周元
年進爵安城郡公食邑二千戶仍授使持節驃騎大將
軍開府儀同三司開府同於馬駿秩擬六卿驃騎等於
劉蒼位高三事宗子維城彼多慙色武城二年授使持
節大將軍都督益壽寧

周書作益寧
寧巴瀘

等二十四州諸軍事

益州刺史改封齊國公食邑萬戶公時年十有六王武

子以上將開府未滿立年荀中郎為十用都督才踰弱
冠方之於公已為老矣加復營邱負海齊桓公受服之
城岷山導江漢武帝求仙之地自非名陵孤竹聲振沉
黎豈得南至穆陵西登積石幸無白虎之患寧待黃龍
之盟印符畏威微盧仰德生為立廟刻石頌功成都有
文翁之祀非謂生前漢陽有諸葛之碑止論身後比之
今日豈可同年而語哉保定四年與大司馬蜀國公圍
金墉城師臨洛浦則廣武營奔兵上邙山則河橋路斷

八川風俗五方名利鐵市銅街風飛塵起天和元年徵
還行雍牧公以日月之明威神其政漆沮旣從荆岐即

又少陽用事路不喘牛仲秋以殷民無驚水二年拜大

司馬仍理

一作厘

小冢宰營室殿軍器太監天官以邦國

為基是司六典夏官以兵戈為主專謀七德是以器械

填委旣包吳漢之功宮殿崢嶸彌狀蕭何之法時以白

露涼風務閑農隙督兵三萬出自宜陽拔伏龍之城平

姚萇之壘馬陵削樹魏將路窮平陰聽烏齊師其遁天

子冢弟禮絕群公仁義所徃事資道德建德元年進爵
為王仍拜大冢宰姬旦封於曲阜不廢居中劉交國於
彭陽無妨常從豈直周召二南並居師傅晉鄭兩國俱
為卿士而已哉匈奴突於武川燿火通於灞上公述職

巡御治兵朔方馬邑星飛

一作迴

龍城月動撓留犁

出漢書匈奴

奴傳一作滿桃非

之酒經略不前失煙支之山下馬而去東隣

逆命反道敗德囚箕子於寒庫罵文王於玉門天子將
有孟津之師召公獨議公報以誕應天命克成厥勲昔

者秦昭起師於蜀直問張儀晉武用兵於吳惟謀羊祜

於是中軍無帥僉曰有歸五年拜上柱國元戎東討給

王鐵騎二萬先襲太原

一作井州

斗建麾兵天離轉戰虎嘯

風騰雲飛電掩林胡棗栗詎得充饑晉陽荻蒿何能拒

防又加王精兵六萬長圍晉州然後六軍星陳萬騎雷

動中權始及前茅已戰自爾即為前鋒橫行入鄴觀彼

車絙槐木馬驚旋濘積甲高昆陽之城尸封塞富平之

水莫不如彼建瓴同斯破竹一朝指揮六合大定是用

光昭下武翼亮中都足以據祖宗之宿憤解生民之怨

黷

疑作
黷

方當待彼石閭部斯玉鼓經緯天地光華日月

既而赤烏夾日黃熊入寢實沉無祀桑林不祭宣政元

年六月二十八日薨春秋三十有四季友之亡魯可知

矣齊喪子雅姜其危哉公噐

一作
噐

宇淹曠風神透遠璣

鏡照林山河容納置罇待酌懸鍾聽扣聲動天下光照

四鄰武皇帝以介弟懿親特垂愛友而密謀竒策加禮

敬焉常謂左右曰孔子云自吾有回門人日親其齊王

之謂也用之作宰則萬方協和用之撫軍則四表懾伏

豈直臯繇為士國無不仁隨會為卿民無群盜愛翫書

籍敦崇禮樂

一作典

管絃入耳則溪谷俱調文雅沿心則

煙霞並韻養由百發落鴈吟猿應奉五行綈縵縹帙雍

容舉止抑揚談論當世以為楷模措紳以為軌範則少

有壯志頗校兵書玄水降靈穀城授策飛風長柳月角

星眉莫不吟誦在心撰成於手所著兵法凡有五卷六

韜九法

一作地

不用吳起舊書三令五申無勞孫武先誠

可謂有忠孝焉有壯武焉不自驕矜燕

疑作謙

光下物宋

人獻玉不貪為寶百成子高守仁為富不謂以信致欺
為善非樂天年不享嗚呼哀哉以某年月日塋于石安
縣洪瀆川之里原隰悽愴埋於盛德幾年邱陵搖落蘊
於才良求矣乃為銘曰

悠哉朔方逝矣窮陰山連鳥道

一作羽

地盡龜林重黎業

大伯翳功深胄其積德必有君臨大祖撥亂喪君有君

一作有功
實君功非

迴地軸策動天文猶臨赤水尚復黃雲諸侯

八百天下三分公之挺生寔惟天假翠微臣

疑作神

降文

昌星下照于四國充于兩社

左傳作問于兩社

舟楫江河棟梁

華夏水通詞鋒風飛文雅純深之性地

一作義

極天經忠

貞之道事感百靈君親惟一臣子惟寧忠泉出井孝笋

生庭乃宰天官為國之輔是居上將為天之柱乃聖乃

神惟文惟武策高開闢威移雲雨九宮神畧三術謨明

天離轉陣月德迴兵黎陽水駭官渡山驚冀州旣載東

原底平溟波欲運弱木將危中峰岳斷半海鵬垂鳳沉

冊穴龍亡黑陂臨淄廢市東武山移千齡萬古英聲在
斯

唐贈陳州刺史義陽王神道碑 張說

昔高祖之起唐侯革隋命太宗之威四海正萬邦作藩
帝家用建王國二十一族堯之昭也十有一宗文之穆
也王諱琮字某文帝之孫紀王之子龍種異品鳳毛秀
色仁義天啓德威日就學無不探藝無不究故齊王之
胤以爵推恩周公之子以才分政愬角封義陽郡王弱

冠拜歸州刺史又守檀州又撫沂州若赦之舊荆人是
懲單于之衝胡馬自遠淮沂其又邦國不空遭王運中
微投於南海書稱大去憫失土之諸侯禮不迭誅議無
辜之王子某年月日溝六道酷吏薨于桂林之野春秋
五十神龍之初興廢繼絕追贈陳州刺史王生不得志
歿受遺榮信乎才之短長不如命之豐約德之輕重不
如藝之厚薄古集作矣季子豫州刺史行休髻鬣羈旅
孤集作託身炎厲貌是餘慶歸然獨存泣血上請迎喪遠

喬開元四年二月至桂州王同氣二人往偕遇禍殞殮
無主封樹缺如歲月茫茫盡為野草闕鄰母而失處訪

樵童而莫識議者以為不可復得宜招魂而改葬行休
拊心蒼昊誓不徒還乃掃亭館設地席潔齋懇惻覲乎

幽報遂頻夜髣髴

集作象

曲示其端夢魯

唐書無此字

王秉舟

舟分為兩既而適野見東洲中斷因忽悟焉陰隱微明
率此類也又靈堂鎖莖一夕自屈管上有三指四迹一
竒二並其旁鐵生文理布列成卦眾駭其異使善易者

張法著之曰屈者於文為尸出指者於義為指縱一奇

二並三殞近闕

集作闕

若引渦上

集作山

揆之可以察先王

之心矣考夢協卜定處刻辰以某月二十八日於桂城

東洲發見神樞舉體咸備而一節闕焉行休甚痛惋若

身

集作自

毀裂其夜又夢王告在南洛州

唐洛書作南洲

厥明直

舊殞而南十有九步沙洲痕下掘而得之安合如故他

日北郭之外又

集無又字

併收二叔父焉於是乎驗著之有

徵也子子三旒連軸歸飛遙遙百越經途瞻歎零桂人

士集無以為美談夫至孝潛通精魄昭應虛無之見推

士字

步而有窈冥之體尋求而致雖前誌所詳未有幽感反

覆若斯之昭晰矣以某年月日陪塋於昭陵栢城妃汝

南周氏祔焉禮也妃考曰駙馬都尉梁郡襄公妣曰臨

川大長公主宗周玄胄大君自出左右圖史循環法度

邦有好逖室無

集作先非

偕老以王之故薨于掖宮初求昌

之難王下河南獄妃錄司農寺唯有崔

集作方

氏女

集無女字

扉屨布衣往來供饋徒行頽色傷動人倫中外咨嗟目

爲勤孝王之

集無
之字

二子配在雋州及六道使之用刑也

長曰行遠以冠就戮次日行芳以童當捨芳啼號抱行
遠乞代凡命既不見聽固求同盡西南傷之稱為死悌
君子謂勤孝者仁之厚也死悌者友之難也感神者誠
之至也此三者有以見義陽之義方賢妃之內訓繼體
之崇德夫如是淳美上歸乎本朝盛烈延耀乎邦族安
可闕而不飾碑版無文而已哉銘曰

高邱白雲維堯大理函谷紫氣維周柱史百代福流千

齡運起富有海內貴為天子聖帝才子於穆紀王賢王
祚胤倬哉義陽慎徽九德九德有常允釐三郡三郡以
康明夷于飛州崖之下梁木其壞桂林之野不識阡陌
無存松楸于以求之人莫知者哀哀孝子眷眷靈夢語
妙常閣文微甄仲南洛占從東洲億中舊夢移偏新棺
改贈既克返葬亦附山陵卜去其吉神心允憑人非地
是迹謝名稱青青松栢不顯不承

文苑英華卷八百九十